

乾隆杭州府志

杭州府志卷一

圖說

邦國圖志悉上史官古制也至於今不廢杭州領九州縣而會城居東南上流仰邀

宸幸首紀

行官用以昭

盛典也府州縣諸圖以次臚叙名山大川爲邦計所屬民力所資別繪爲圖至舊圖僅存者附見以資考證焉

目

城內

行宮

西湖

行宮

星野

會城

府境

府學

府署

錢塘縣

仁和縣

海寧州

富陽縣

餘杭縣

臨安縣

於潛縣

新城縣

昌化縣

武林山

天目山

錢塘江

海塘


西湖


南宋舊城圖

附

行宮

城内





城內

行宮圖謹說

謹按

南巡盛典杭州府

行宮在湧金門內太平坊舊爲織造公廨康熙二十八年

聖祖仁皇帝南巡

駐蹕於此自後屢蒙

巡幸乾隆十六年

皇上法


祖勤民巡幸浙省大吏重脩恭駐


清蹕卽奉爲

行宮萬姓嵩呼

奎章煥彩雲物舒妍松棟雲楣與浙水吳山永光奕禩矣

西湖
行宮





西湖

行宮圖謹說

謹按

南巡盛典西湖

行宮在孤山之南羣山環拱萬堞平連足覽西湖全勝康熙四十四年

聖祖仁皇帝省方南服屢蒙


駐蹕乾隆十六年

皇上翠華南幸全浙臣民懽忭踴躍因其舊製略加恢廓萬彙
光昭湖山耀彩


皇情悅豫琬琰名山永符明聖之瑞應云

星野圖

古測
杭州牛分野



杭州斗一度




星野圖說

按爾雅星紀斗牽牛也前人星野之說或以吳越爲牛女分屬或以吳越均屬斗分古測今測度數懸殊省志謂吳越爲星紀之次分野屬丑古今不易殆定論歟茲並列古今所測以其均爲星紀所屬也舊志云

國朝杭州斗十度值漸臺下或曰斗一度載稽星度杭州但占南度一星耳其量又未悉周祇占斗中一度其爲占測亦微渺矣然占星定土春秋時觀象以驗諸國之休咎往往不爽銖黍焉豈得謂天道遠哉盡人事以合天是在乎守土吏之時自修省者

府城圖





府城圖說

按圖經舊稱杭州左江右湖廣袤四十里羸於南北而縮於東西爲門十詳見城池卷中山曰金地曰寶月曰紫陽曰清平曰雲居而總名曰吳山凡祠廟之合於祀典者皆在其巔北又有小山曰武林高不數尋廣不百武說者謂一城之主山而實非也詳見祠祀山水寺觀諸卷中城內之水道凡五皆引西湖之水而達於上塘以通商賈漕運詳見水利卷中當吳山之陽面鳳凰山南向爲祝釐之所曰

萬壽宮文武大小官署以次環列壘壁於城之西北隅爲駐防

營以屯滿洲官軍其他居民之廬井衢陌坊表廛市鱗次
櫛比登吳山而望西則湖波澄泓金碧輝映東則江波浩
淼萬頃安瀾而閶闔之內肩摩轂擊煙火萬家
盛世太平之象畢收於襟帶間矣



府境圖說

按浙江爲東南奧區領府者十一而杭州爲首府九州縣屬焉錢塘仁和竝附於郭海寧在其東餘杭臨安在其西富陽新城府西南也於潛昌化府西北也府稱武林以武林山而山脈發源於天目故以天目爲主山跨臨安越於潛而橫亘於昌化之北境毘連江省有五關之險獨松皇花實一府之門戶也縣名錢塘以錢塘江而江流委注於海故以海爲水口潮水逆流而上直趨西陵達魚浦抵富春雷擊電砰際天沃日龕赭二山實一府之鎖鑰也形勢阻要風氣完固控扼全浙若裘之有領焉自武肅開鎮建

炎定都以來人民之衆財賦之殷冠於他州古稱都督大府爲天下甲不信然歟洪惟


聖朝綱紀化導仁漸義摩凡所以厚生正德者至詳且悉由是省會之區蒸蒸向化爲十一府先迄今百數十年久道化成風氣殆進而益上矣


府學圖

卷一

運河

文廟





府學圖說

按載記稱建國君民教學爲先自唐虞三代以來莫不以興學爲急務攷咸淳志杭之建學舊在通越門外紹興元年始以凌家橋西慧安寺故基建嘉定九年教授袁肅黃灝告於府上之朝拓而大之所謂凌家橋者今名凌雲橋卽府學地也杭郡人文蔚起自唐宋以迄於今名賢碩儒踵武相接而科第之盛更無論矣堪輿家往往以人材之盛歸美於占相然則杭郡建學之地形勢固殊焉竊以我朝稽古右文仁漸義摩將二百載杭郡人文蔚起實由教澤之深長而府學自宋代以來歷加增治至我

聖祖仁皇帝御書匾額


御製先師先賢贊序


頒行天下學宮

皇上六次南巡

恩流庠序於浙水人文特加優渥焉蓋風會之所趨與
教化之所被兩者相符以成斯盛也猗歟休哉

府署圖





府署圖說

按府治自漢以後舊在武林山自隋以後在鳳凰山及宋南渡時卽其地爲行宮而郡守始於竹園山建治所卽今豐寧坊之府署也顧念建炎至今六百餘載其間官制之更移領屬之斷割不一而足而化民出治之地未之或易民之過其署者指其地思其人必曰某也賢某也不肖某也恩我某也虐我是可以爲前鑑矣杭郡舊多賢守名之著者指不勝屈宋梅摯守杭仁宗賜詩有地有湖山美之句摯作堂於吳山最高處後易額於府治之後堂載在舊志不知何年易去今復其舊以志高山景仰之意堂後有

景蘇樓亦稍爲葺繕以存舊制云

錢塘縣境圖

東南至海門分金嶺界六百里

西至石方界六百里


北至石方界六百里



南至王宮馬路

北至順府德濟縣

山界七十七里



改稱七十七里

東至黃山縣界二十八里

東至清溪里江門止

東至五仁山縣界和防里

杭州府志

卷一 圖說

六

錢塘縣圖說

按錢塘舊治其疆域實跨今數縣自秦至唐山川雄傑民物豐饒稱極盛焉暨吳越分置錢江而疆圉漸以隘矣然西湖之秀麗錢塘江之奇險仍皆爲錢塘所有蓋杭州爲浙省之最勝而錢塘又爲杭州之最勝殆非他縣所能及歟茲志所載山川宮觀名勝之區人物文章金石之蹟惟錢塘較多他縣或有不能及其半者此舊志相沿非故欲張錢塘也錢塘爲杭之首縣

聖祖御定皇輿圖表及

大清一統志皆彰彰可據其辨證互見仁和圖說及建置卷中

杭州府志

卷一


仁和縣境圖

西至黃城山下錢塘界

南至錢塘門抵城界

西北至杭州府德清縣界

南至紹興府界



北至德清縣界

山縣邑湖界八十二里

東南至蕭山縣西縣界二十八里

杭州府志

卷一 圖說

東至海鹽州土倉縣界六里



界五十四里

東北至石門縣界一百二里

仁和縣圖說

按仁和今與錢塘分治會城錢塘名最古爲秦時所建而仁和則朱梁龍德二年所置之錢江縣也是時吳越屬錢氏朱梁之龍德二年爲錢武肅之天寶十五年吳越備史云割錢塘鹽官各半及富春之長壽安吉二鄉置錢江縣此仁和置縣之始宋太宗太平興國三年錢氏納土四年改錢江爲仁和此仁和縣得名之始南渡以後升杭州爲臨安府而仁和與錢塘同屬行在所矣錢塘屬府之西南仁和屬府之東北明成化萬歷諸志首仁和而次錢塘國初馬如龍府志因之今遵

大清一統志

皇輿表列仁和爲次

海寧州圖說

按秦置會稽郡有海鹽縣兩漢志但有海鹽而不名縣吳始分海鹽縣地置鹽官縣屬吳郡此海寧置縣之始也晉宋以來未之有易陳武帝永定二年置海寧郡割鹽官海鹽前京三縣隸焉此海寧得名之始然謂之郡非州縣也隋大業三年改杭州爲餘杭郡鹽官隸焉唐武德七年省鹽官入錢塘貞觀四年復置仍屬杭州吳越至宋皆因之元元貞元年以戶口數登陞爲中州此海寧爲州之始泰定間潮汐爲患更名海寧州此又海寧州之名所從始也明改爲海寧縣

國朝因之乾隆三十八年復陞爲州仍屬杭州府舊縣志云龔
赭崑崙全浙之門戶虛沙漲潰七郡之咽喉洵府屬之要
境也

皇上勤求民莫加意塘工數十年來安瀾致慶互詳海塘圖說
中

富陽縣圖

西南界浦江金沙
約一百四十五里

西界新城分派峴二千五

西北界臨安芝
嶺四十五里

南界

北界



東南界嶺山
石牌四十五里



東界綠塘湖塘山二十五里

東北界綠塘分
金嶺五十里

富陽縣圖說

按富陽自古號巖邑漢置富春縣屬會稽郡此富陽置縣之始東漢屬吳郡三國吳大帝時於縣置東安郡尋廢郡仍以縣屬吳郡晉孝武帝時改富陽仍屬吳郡此富陽得名之始至隋唐以來而縣皆屬杭州矣茲縣東控錢塘西引新城暨陽距山之南禹杭枕山之北自閩粵取道輶軒驛檄舟騎旁午絡繹不絕我

國家休養生息恩膏所被浹髓淪肌茲邑雖彈丸而士安絃誦民安田里文風民俗皆進而日上斯亦郡之望縣歟



餘杭縣圖

西北界安善縣
松關七十五里



餘杭縣圖

西北界安善縣

東南界錢唐
縣西漢三十里

卷一 圖說

東界鐵塘路長橋二十六里

東北界或廣時
盤石六十五里



第九十五山

餘杭縣圖說

按餘杭初名禹航相傳少康封無餘於越乃名餘杭此餘杭得名之始秦以越地爲會稽郡置餘杭縣屬會稽此餘杭置縣之始也漢順帝分會稽置吳郡餘杭屬焉吳時又屬吳興郡至隋開皇置杭州而餘杭乃隸杭州元時屬杭州路明屬杭州府

國朝因之蓋數百年矣餘杭處郡之西偏山水皆源天目山則大滌徑山嶙峋岬嶂重疊迴環水則一苕溪南湖淳泓屈曲延緣蓄洩蓋杭州爲山水之窟而於潛餘杭幽深窈窕又非府城諸山水所可比擬焉居民習俗與風土爲轉移

奢儉損益之間可以得其概矣

臨安縣圖

西南界新墟縣
嶺二十五里

西界於潯縣橫塘三十五里

西北界於潯縣
天目山五十里

於潯西界
日山界

南界新墟縣



北界新墟縣

里十四第



里十七第

東南界富陽縣
樹後三十五里

東界餘杭縣杜塢橋十八里

東北界餘杭縣
界村二十五里

上九

圖說

臨安縣圖說

按臨安東達杭紹西通徽寧爲郡中名邑其山玲瓏九折
自東天目之勝迤北而通徑山幽邃奇曠吳越所希有也
其水爲苕溪合九水靈源碧澗相映帶也其俗儉樸而勤
直其產米麥絲枲茶篠之屬蓋沃野靈區他邑罕儷焉三
國時吳始置臨水縣屬吳興郡隋唐之間尋置尋省武后
時重以故臨水地置臨安縣屬杭州此臨安得名之始也
五代時吳越以一隅之地建功業而分茅土南宋依錢氏
故封改杭州爲臨安府得以偏安莫不憑藉斯邑以爲苞
根之繫然則斯邑之名殆與杭州並重歟

杭州府志

於濟縣圖

卷一

圖

三

西南界與化縣
金雞嶺三十里

西界與化縣
金雞嶺三十里

西北界與化縣
金雞嶺三十里

水合界



北界與化縣

石山十六



秋陽五十五里

東南界新城縣
雲巖四十里

東界臨安縣橫塘堰三十里

東北界安吉縣
水巖嶺九十里

於潛縣圖說

按於潛居天目山之陽山川形勢雄視諸邑方輿紀要引吳錄於潛縣西有潛山蓋因山以立縣攷漢書地理志本作潛至後漢郡國志始作潛而諸史皆因之矣於潛自秦時屬鄣郡漢屬丹陽郡吳屬吳郡晉以後屬吳興郡陳屬錢塘郡隋屬餘杭郡唐高祖時置潛州尋廢而以縣屬杭州遂至於今宋人謂於潛故隸丹陽郡山溪幽深其俗儉而質其民勁而武殆不與澤國類旣別而州廢而邑離合雖異而遺風餘習猶有存者然則於潛風土較他縣稍有異矣因勢利導其在守土者乎

新城縣圖

西南界分水縣
桐嶺二十五里

西界於潛實祐山十五里

西北界於潛潭
雲嶺七十七里



里十二機銀



里十七機金

東南界富陽高
平銀二十一里

東南界富陽泉國石牌二十里

東北界臨安
吳村二十五里

七

圖說

三

新城縣圖說

按新城境東西延袤南北橫亘均不滿百里而置縣之由來則已古矣三國時吳分富春縣地置新城縣屬新安郡新城之立縣自此始也後省入桐廬縣晉咸和九年復置屬吳郡梁太清三年以吳郡置蘇州兼領杭州之地新城屬焉陳貞明二年改錢塘縣爲錢塘郡富陽新城並屬焉隋開皇中省入錢塘尋復置唐高祖武德七年并入富陽高宗永淳元年復置隸杭州吳越時避梁太祖父諱奏改新登宋太平興國三年復名新城淳化七年割分水縣東境置南新縣熙寧五年廢南新縣隸新城新城遂并有兩

縣之地建炎三年陞杭州爲臨安府新城仍屬之自此新城皆屬杭州矣新城四面皆山二溪合注以達於江亦險阻之區也

昌化縣圖

西南界淳安縣
貢嶺七十里

西界歙縣貢嶺關七十五里

西北界績溪縣
貢嶺八十里

沈陽安海界南



北界寧國縣

東南界分水嶺
洪橋五十里

東界於潯陽界頭溪十五里

東北界於潯陽
界頭溪三十里



昌化縣圖說

按新唐書地理志武后時分於潛置紫溪縣又分紫溪縣地置武隆縣此昌化置縣之始又按宋史地理志太平興國四年改唐山縣爲昌化縣此昌化縣得名之始自唐迄宋省而復置者再易名者五武后時置縣始號紫溪復分置武隆尋省復置中宗時改武隆爲唐山代宗時二縣並省穆宗時復置唐山朱梁時改爲金昌晉時改爲橫山尋又改爲吳昌宋改今名元明皆未易也昌化四境環山土地瘠而民風樸較之會城習尙迥殊矣因其習尙導之禮義勿以彈丸之地而忽視之則治是土者之責也





白雲峯

柳峯

雙龍峯

天香閣

觀音閣

白雲

圖說

武林山圖說

按漢書地理志云武林山武林水所出省志云杭州舊稱武林以山得名蓋武林山者靈隱諸山之總名也自晉僧慧理有天竺飛來之語而後有靈鷲之名有靈隱之名有天竺之名有飛來之名至蓮花佛國白雲白猿獅子香爐之名皆繼慧理而發者而南高北高五雲雙桂乳竇月柱諸名則又衆山之別稱要皆武林之支山也又按靈隱天竺之間有南北二澗南澗之水發源於白雲峯北澗之水發源於石人嶺會流於合澗橋東注二里許經行春橋而入於西湖是爲錢源晏殊類要云錢塘武林山錢源山焉

此卽漢書所謂武林水也舊說武林山有以城內之培塿
當之者殊不足據其詳見於山水卷中

天目山圖

木

卷一

三



頂山

東天台山

蓮花峯

寺觀

寺觀

大方

寺觀宗正

潭

山溪

寺觀

堂瑞


寺觀

天目山圖說


按太平寰宇記載天目山高三千九百丈廣五百五十里水因山曲折東西巨源若兩目咸淳臨安志山一名浮玉省志天目聯亘杭湖宣歙四州周八百里東目之脈萃於餘杭結穴於徑山西目之脈直走錢塘包絡於武林是日目者杭之主山而形家所謂龍飛鳳舞到錢塘者也山愈高愈寒登蓮華峰者必繩引而上潭分上中下三級最上一潭水腥不可觸有觸之者風雨雷電交作山之靈蹟頗多支分甚廣俱詳山水寺觀諸卷中福地名藍詢足爲五山十剎之冠云

錢塘江圖

南



西



三十一

第一圖説

三


錢塘江圖說

按說文浙字與漸字分見浙爲江水曲折之勢漸爲水名
自漢以後陂隄題築班固所云江水東至餘姚入海者不
可考其故蹟矣然漸水之曲折如故漢人亦稱爲曲江云
今漸水發源於黟縣出新安江入嚴州桐江而衢州之水
自玉山來與金華之水匯流至蘭溪俱會於桐江入杭之
富陽曰富春江至錢塘曰錢塘江曲折而東歸於海此由
江達海之次第也海潮由鯨子門而入受龕赭諸山所迫
激而爲濤奔騰衝擊逆流數百里越定山經漁浦至富春
江始平此由海入江之次第也宋史浙江通大海曰受兩


潮梁開平中錢武肅王命彊弩數百以射潮頭又致禱胥
山祠潮避錢塘民居乃奠其亦精誠之所感歟

國朝至德懷柔百靈效順隄塘旣固潮汐俱平
聖澤所周洵與江流俱永矣

海塘圖







三江閘

大尖山

小尖山

潮神廟

娘娘廟

福星宮

土橋

鹽平汛

石墩司城

東

石墩砲臺

竹

御碑亭

塔山

十五堡

土堡

沙

土堡

土堡

土堡

御碑亭

土堡

土堡

土堡

亭

五十六

圖說

海塘圖說

按東南澤國首重隄防瀛海激衝尤資保障杭州嘉興紹興三府俱當江海交滙之區而杭州之海寧塘工爲最要蓋江流入海有三道在龕赭兩山之間者曰南大壘在禪機山之北河莊山之南者曰中小壘自巖風山至獨山爲北大壘壘北數十里則爲塘浮沙滯壅驚濤侵蝕春秋朝夕俄頃而形狀頓殊沿海居民惴惴焉依塘以栖止塘工固斯民居安矣鹽官捍海塘始見於唐書地理志宋於鹽官縣治南北各築土塘元時屢命重臣祈禱修繕增置石囤久而工竣遂改鹽官爲海寧至明間事補苴或狃於目

前或絀於物力其規制未爲盡善

聖朝軫念海疆勤恤民隱仰邀

鑒輅親臨指示相度

睿慮周詳庚子

命於章家菴以東柴塘內普建石塘甲辰復

命於新建石塘尾柴塘內接築石塘越范公塘直抵烏龍廟卽

以范公塘爲外護之土塘不惜重帑備物集功俾省城長

資輩護東南億萬戶永慶安瀾茲所繪圖較爲詳備用誌

戴荷

闡澤於靡旣焉

西湖圖





西湖圖說

按西湖之名惟杭州爲最著方廣三十里南西北三面環山而會城適障東南之缺水自武林山谿澗縷注下有淵泉百道滙而成湖引水入城分流上下兩塘之河錢塘仁和海寧之民仰漑田畝鹽漕商賈諸艘賴以轉運固非他州所及矣中亘舊隄四曰白沙隄蘇公隄趙公隄楊公隄新隄一曰金沙隄跨蘇公隄爲外六橋跨楊公隄爲裏六橋跨金沙隄爲玉帶橋跨白沙隄爲斷橋爲錦帶橋孤山以東爲外湖蘇隄以內爲裏湖孤山以北爲後湖其間名人之廬仙梵之宮與夫忠臣義士及功德之在民者祠宇

相望洵勝地也

聖祖仁皇帝省方問俗

清蹕頻臨我

皇上法

祖勤民


翠華疊駐

奎文

睿藻輝映山川近復於

行宮之左建閣儲藏四庫全書

賜名文瀾東壁光昭與西泠淵映永資津逮於靡涯矣



南宋舊城圖說

案杭州爲南宋行都圖經多散佚惟咸淳臨安志爲較備傳鈔本多刪去其圖惟朱槩本有之在南宋偷息偏安一切苟且其規模似無可甄錄伏讀

御題乾道臨安志取其官署官城掌故可考是則咸淳臨安志京城一圖壇社宮院省司軍府擬地設模瞭如指掌固考掌故者所取資也明田汝成西湖遊覽志嘗載此圖而位置改易頗失其舊茲從朱槩本鈎摹縮本纖悉不遺仍還舊觀當日據藁爾一方危岌莫保方且上下粉飾歌舞湖山罔知國恤存其圖亦可爲千秋之炯戒矣

杭州府志卷一終